

杜工部文集詩史

函一
函二冊

蘇子
知齋

PDG

杜工部文集卷之一

明長洲許自昌玄祐甫校

天狗賦

并序年譜云按玄宗天寶六載詔天下有一藝者赴京公應詔退下留京師是

年十月上幸華清宮公因至獸坊作天狗賦又按長安東驪山有溫泉水浴可愈疾初秦始皇砌石起室漢武帝又加修飾唐貞觀間建湯泉宮咸亨間改溫泉宮天寶六載改華清宮又築羅城置百司及十宅每歲十月上巡幸焉

天寶中上冬幸華清宮甫因至獸坊怪天狗院列在諸獸院之上胡人云此其獸猛健無與比者甫壯而賦之尚恨其與凡獸相近

澹華清之莘莘。漠漠而山殿。戍削縹與天風。崛乎廻
薄上揚雲旂兮。下列猛獸。夫何天狗。嶙峋兮。氣獨神
秀。色似俊猊。小如猿狖。忽不樂。雖萬夫不敢前兮。非
胡人焉能知其去就。向若鐵柱歆而金鎖斷兮。事未
可救。瞥流沙而歸月窟兮。斯豈踰晝日食君之鮮肥
兮。性剛簡而清瘦。敏於一擲。威解兩鬬。終無自私。必
不虛透。嘗觀乎副君暇豫。奉命于畋。則蚩尤之倫已
賤。涇戟涇提。挈丘陵與南山周旋。而慢圍者。藝實禽
有所穿。伊鷹隼之不制兮。呵犬豹以相纏。蹙乾坤之

翕習兮望麋鹿而飄然。由是天狗捷來。發自於左。頓
六軍之蒼黃兮。劈萬馬以超過。材官未及唱。野虜未
及和。罔譬矢與流星兮。圍要害而俱破。洎千蹄之迸
集兮。始拗怒以相賀。真雄姿之自異兮。已歷塊而高
臥。不愛力以許人兮。能絕甘以爲大。音馱既而羣有噉
咋。勢爭割據。垂小亡而大傷兮。翻投跡以來預。劃雷
殷而有聲兮。紛膽破而何遽。似爪牙之便禿兮。無魂
魄以自助。各弭耳低徊。閉目而去。每歲天子騎白馬
御東山。百獸蹀躞以皆從兮。四猛仡鋌銳乎其間。夫

靈物固不合多兮。胡役役隨此輩而往還。惟昔西域
之遠致兮。聖人爲之豁迎。風虛露寒。體含輞。吼金。
初一顧而雄材稱是兮。召羣公與之俱觀。立其立間。
闔而吼紫微兮。却妖孽而不得上干。時駐君之玉輦。
兮。近奉君之渥歡。使莫處而誰何兮。備周垣而辛酸。
彼用事之意然兮。匪至尊之賞闌。仰千門之峻嶒兮。
覺行路之艱難。懼精爽之衰落兮。驚歲月之忽殫。顧
同儕之甚少兮。混非類以摧殘。偶快意於校獵兮。尤
見疑於躋捷。此乃獨步受之於天兮。孰知羣材之所

不接。且置身之暴露。乃遭縱觀之稠疊。俗眼空參。生涯未愜。吾君儻憶耳尖之有長毛。今寧久被斯人終日馴狎已。

進鵬賦表

年譜云天寶九載公在京師嘗進鵬賦在進三大和賦之先

臣甫言臣之近代陵夷公侯之貴磨滅。開銘之勲不復。照曜於明時。自先君恕預以降。奉儒守官。未墜素業矣。仁祖故尚書膳部員外郎先臣審言。修文於中宗之朝。高視於藏書之府。故天下學士。到于今而師之。臣幸賴先臣緒業。自七歲所綴詩筆。向四十載矣。

約千有餘篇。今賈馬之徒。得排金門上玉堂者。甚衆矣。唯臣衣不蓋體。常寄食於人。奔走不暇。只恐轉死溝壑。安敢望仕進乎。伏惟天子哀憐之。明主儻使執先祖之故事。拔泥塗之久辱。則臣之述作。雖不足以鼓吹六經。先鳴數子。至於沉鬱頓挫。隨時敏捷。而揚雄枚臯之流。庶可跂及也。有臣如此。陛下其舍諸。伏惟明主哀憐之。無令役役。便至於衰老也。臣甫誠惶誠恐。頓首頓首。死罪死罪。臣以爲鵬者鷖鳥之殊特。搏擊而不可當。豈但壯觀於旌門。發狂於原隰。引以

爲類是大臣正色立朝之義也。臣竊重其有英雄之
姿。故作此賦。實望以此達於聖聰矣。不揆蕪淺。謹投
延恩。甄進表獻賦以聞。謹言。

雕賦

當九秋之淒清。見一鶚之直上。以雄材爲已任。橫殺
氣而獨往。稍稍勁翮。肅肅遺響。香不可追。俊無留賞。
彼何鄉之性命。碎今日之指掌。伊鷺鳥之累百。敢同
年而爭長。此鵬之大畧也。若乃虞人之所得也。必以
氣稟玄冥。陰乘甲子。河海蕩涵。風雲亂起。雪沍山陰。

冰纏樹死。迷向背於八極。絕飛走於萬里。朝無以充。
腸。夕違其所止。頗愁呼而蹭蹬。信求食而依倚。用此
時。而杯杔待尤者。而綱紀表狎羽。而潛窺順雄姿之
所擬。欻捷來於森木。固先繫於利菑。解騰攫而竦神。
開網羅而有喜。獻令之課數備而已。及乎閑隸受之
也。則擇其清質。列在周垣。揮拘攣之掣曳。挫豪橫之
飛翻。識畋遊之所使。登馬上而孤騫。然後綴以珠飾。
呈於至尊。搏風槍鼻。用壯旌門。乘輿或幸。別館流平。
涼寒。蕪空闊。霜仗喧繁。觀其夾翠華而上下。卷毛血。

之崩奔。隨意氣而電落。引塵沙而晝昏。豁堵墻之桀
觀。棄功效而不論。斯亦足重也。至如千年孽狐。三窟
狡兔。恃古塚之荆棘。飽荒城之霜露。迴惑我往來。趁
起我場圃。雖青青駸駸戴角。白鼻如瓠。蹙奔蹄而俯臨。
飛迅翼而遐寓。而料全於果。見迫寧遽。屢攬之而頽。
脫便有若於神助。是以嘒嘒其音。颯爽其慮。續下繡
而繚繞。尚投跡而容與。奮威逐北。施巧無據。方蹉跎
而就擒。亦造次而難去。一奇卒獲。自勝昭著。夙昔多
端。蕭條何處。斯又足稱也。爾其鵠鵠鵠鵠之倫。莫益

於物空生此身。聯拳拾穗。長大如人。肉多奚有味。乃
不珍。輕鷹隼而自若。託鴻鵠而爲隣。彼壯夫之慷慨。
假強敵而逡巡。拉先鳴之異者。及將起而復臻。忽隔
天路。終辭水濱。寧掩羣而盡取。且快意而驚新。此又
一時之俊也。夫其降精於金。立骨如鐵。目通於腦筋。
入於節。架軒楹之上。純漆光芒。掣梁棟之間。寒風凜
冽。雖趾躄千變。林嶺萬穴。擊叢薄之不開。突杙枒而
皆折。又有觸邪之義也。久而服勤。是可吁畏。必使烏
攫之黨。罷鈔盜而潛飛。梟怪之群。想英靈而虛墜。豈

非虛陳其力。叨竊其位。等摩天而自安。與槍榆而無事者矣。故不見其用也。則晨飛絕壑。暮起長江。來雖自負。去若無形。置巢截窠。養子青冥。倏爾年歲茫然。闕庭莫試。鉤爪空迴。斗星衆雛。儻割鮮於金殿。此鳥已將老於岳局。

進三大禮賦表

年譜云按玄宗天寶十載正月八日壬辰朝獻太清宮癸巳朝

享太廟甲午有事于南郊公時在京師進三大禮賦上奇之命待制集賢院召試文章

臣甫言。臣生長陛下淳朴之俗。行四十載矣。與麋鹿同羣而處。浪跡陛下豐茸長林。實自弱冠之年矣。豈

九州牧伯不歲貢豪俊於外。豈陛下明詔不仄席思
賢於中哉。臣之愚頑靜無所取。以此知分沉埋盛時
不敢依違。不敢激汗。默以漁樵之樂自遣而已。頃者
賣藥都市。寄食朋友。竊慕堯翁擊壤之謳。適遇國家
郊廟之禮。不覺手足蹈舞。形于篇章。漱吮甘液。游泳
和氣。聲韻浸廣。卷軸斯存。抑亦古詩之流。希乎述者
之意。然詞理野質。終不足以拂天聽之崇高。配史籍
以永久。恐倏先狗馬遺恨九原。謹稽首投延恩匭。獻
納上表。進明主朝獻太清宮朝享太廟有事于南郊

等三賦以聞臣甫誠惶誠恐頓首頓首謹言

朝獻太清宮賦

冬十有一月天子既納處士之議承漢繼周革弊用
古勒崇揚休明年孟陬將攄大禮以相籍越彝倫而
莫儔歷良辰而戒吉分祀事而孔修營室主夫宗廟
乘輿備乎冕裘甲子王以昧爽春寒薄而清泮虛闐
闐逗蚩尤張猛馬出騰虬捎熒惑隨旄頭風伯扶道
雷公挾輶通天台之雙闕警溟漲之十洲浩劫礪礪
萬僊颼颼歛臻于長樂之舍鬼入乎崑崙之丘太一

奉引庖犧左右。堯步舜趨。禹馳湯驟。鬱閼宮之律萃。
坼元氣以經構。斷紫雲而竦牆。撫流沙而承雷。紛墮
珠而陷碧。燿波錦而浪繡。森青冥而欲雨。赭光炯而
初晝。於是翠蕤俄的。藻籍舒就。祝融擲火以焚香。溪
女捧盤而盥漱。羣有司之望幸。辯名物之難究。瓊漿
自間於粢盛。羽客先來於介冑。爍聖祖之儲祉。敬雲
孫而及此。詔軒轅使合符。勅王喬以視履。積昭感於
嗣續。匪正辭於祝史。若盱衡而有憑。肅風颺而乍起。
揚流蘇於浮柱。金英霏而披靡。擬雜珮於曾巔。孔蓋

欬以颯纚中淙淙以迴復外蕭蕭而未已上穆然注
道爲身覺天傾耳陳僭號於五代復戰國於千祀曰
嗚呼昔蒼生纏孟德之禍爲仲達所愚鑿齒其俗寡
窳其孤赤鳥高飛不肯止其屋黃龍哮吼不肯負其
圖伊神器梟兀而小人啗喻曆紀大破創夷未蘇尚
攫拏於吳蜀又顛躓於羯胡縱羣雄之發憤誰一統
於亨衢在拓跋與宇文豈風塵之不殊比聰僉及堅
特渾貍豹而齊驅愁陰鬼嘯落日梟嘯各擁兵甲俱
稱國都且耕且戰何有何無惟累聖之徽典恭淑慎

以允緝。茲火土之相生。非符讖之備。及煬帝初。暴叔
寶初襲。編簡尚新。義旗爰入。旣清國難。方覩家給。竊
以爲數子自誣。敢貞乎五行攸執。而觀者潛晤。或喜
至於泣。鱗介以之鳴。簋毘以之振。蟄感而遂通。罔
不具集。仡神光而紺閭。羅詭異以戢。脊地軸傾而融
曳。洞宮儼以疑。岌九天之雲下垂。四海之水皆立。鳳
鳥威遲而不去。鯨魚屈矯以相吸。掃太始之含靈。卷
殊形而可挹。則有虹蜺爲鉤帶者。入自於東。揭莽蒼
復崆峒。素髮漠漠。至精濃濃。條弛張於巨細。覬披寫